

Las FÈSTAS felibrenques

Los concursos literaris son pas las solas manifestacions culturalas del Felibritge. Unas fèstas son regularament organizadas per tocar un public bèl. Aquelas fèstas son l'escasença de braves regaudiments populars. Lo debanament es pro ben codificat : celebracion d'un felibre o del Felibritge (estrena d'estatuas, batejalhas de carrières...), recepcion pels elegits municipals e taulejada, danças e costumes tradicionals a l'onor; declamacion de cants e poèmas en occitan.


La reception dels felibres a Carcassona per la Santa-Estèla, 10-11 de mai de 1893

En 1893, lo Felibritge causís la Ciutat de Carcassona per la tenguda de son Consistòri (l'acamp dels 50 felibres majorals). Lo 10 de mai, en debutà de vèspre, a la gara, una fola sarrada aculhí amb estrambòrd los representants del Felibritge, coma los mai famats, Frederic Mistral e Fèlix Gras. Aprèp una recepcion a la Comuna, Gaston Jordana balha al teatre municipal una conferéncia sus l'istòria de Ciutat. L'endeman, aprèp la sesilha del Consistòri e l'aprobacion dels estatuts e règlements de l'*'Escole Audenca* (Carcassona) e de l'*'Escole Moundino* (Tolosa), se ten a Ciutat, dins la clastrera Sant-Nasari, la taulejada felibrenca. Al tèrme d'aqueste regalèmus, Mistral remet a Aquiles Mir, de la part de la Vila de Carcassona e de l'*'Escole Audenca*, un album de pergamin ont « cada felibre a marcat de sa man, en testimoniatge d'admiracion e d'amistat, unes verses o unes vòts amicals ». La Santa-Estèla de Carcassona se clava amb una representacion de l'òbra maja de Frederic Mistral, *Mireio*.


Plat de religadura a las armas de la vila



Letra autografa de Fèlix Gras a Aquiles Mir



Dessenn de Narcisse Salières en l'onor d'Aquiles Mir




Manuscrit sul pergamin realizat e remés per la Vila de Carcassona e l'*'Escole Audenca* a Aquiles Mir lo 11 de mai de 1893
(Médiathèque Carcassonne agglo, Ms 35284)



Los felibres a las fèstas de Carcassona (Revue méridionale, jun-juliet 1893)



l'arribada dels felibres d'aprèp lo dessenn de Narcisse Salières (Revue méridionale, août 1893)



Menut de la taulejada felibrenca (A. D. Aude, 7 JJ 3/292)